

Minokay i kato'asan no ina a mipafilong

O niyaro' no mamoo ako i Ciwkangan no Posong, i kaetip no niyaro' ira ko takaraway a lotok. I kawali, misi'ayaw mililis to riyar ko pasawali, ka'ayaw no loma' ira ko fanaw, ira ko masanga'an ni mamoo a cacanoayan. I kaikor no loma', o padatengan ni mamoo, ira ko tatokem, tamana, tefi', saytaw, tali ato masamaanay a dateng, adihay ko makapahay 'adipangpang misaeefefer.

Mihecahecaan to pafilongan, na icowacowaay a salikaka, maemin a minokay talaniyaro' ni mamoo a mipafilong, ira:ay ma'araw to ci mamoo ato wacowaco, lipahak sa mihamham i tamiyanan, takec han ako ci mamoo a pasowal, tadama'ilol to kako i tisowanan. sowal sa ci mamoo ma'ilol kako i tamowanan saan.

Saka tosa a romi'ad, mapolong kami a malakaka tayra miyakiw ato micacanoy, herek no lahok, mirepet to foting ato mi'alotoc i fanaw, roma mikarkar to sota a mitamek to konga. To dadaya mapolong kami malafi', ira ko hakhak, tatokem, tayaling, foting, kalang ato siraw, itiya salipahak sa ci mamoo mipaangpaw to sonasona.

Saka tolo a romi'ad, keriden ni ina kako mikihatiya to sa'opo no ngasaw, to mihecahecaan na icowacowaay a malinaay maemin a minokay to

kasa'opo no ngasaw. 'Ayaw no lafi', pakimad ko faki mipalemed to malinaay, kalipahakan tona faelohay a miheheca, kalafi'an to i, paytemek a pasifana' to no tiring a lama'an a tamdaw, pakafana' to malinaay, tongod sato romadiw to ko faki tono to'asan a radiw, ta malacecay a romadiw, maparayray to ko serangawan no mita.

Kalamkam ko pahanhan noni palifongan a romi'ad, matango'or ko faloco' niyam a miliyas ci mamooan. Nano kaemangan kako i tokay ko 'orip ako, tadalipahak o wawa no 'Amis kako, nawhani, mihecahecaan to kailisinin, keriden ni ina kako aci kaka a minokay talainiyaro' mikihatiya to ilisin no niyaro', saka mfana' to kako to serangawan no 'Amis, o maan ko saka'orip no i niyaro'ay, mafana' to kako o 'Amis kinatireng, malasaka lata'ang to no mako konini!

回外婆家過年

外婆家在台東長光部落，山在後，海在前。外婆家前是一片空地與池塘，池邊的大樹上吊著搖曳鞦韆。後院菜園種著龍葵、豆莢、芋頭與蘿蔔，蝴蝶漫天飛舞。每逢過節，親人們歸來，遠遠望見外婆和小狗在家門口迎接。我擁抱外婆說：「好想妳。」第二天與堂兄妹玩鞦韆、撿螺、悶地瓜，歡笑聲滿佈空地。晚餐有各式各樣的菜餚，還有外婆的紅包！第三天參加宗親會，介紹家庭成員，帶領大家唱傳統歌謠。告別時，我心中驕傲，我是阿美族的孩子。